

Finiziun dal «Barat quadriling» en la Chasa federala

Quatter classas da scola cun totalmain 71 scolaras e scolars da Mustér, Appenzell (Appenzell Dadens), Acquarossa (Tessin) e Cressier (Neuchâtel) èn sa participadas a l'emprim «Barat quadriling» che ha già lieu questa primavaira a Mustér. Dals 8 fin ils 12 da matg 2023 han las scolaras ed ils scolars già la chaschun da s'aprofundar en las quatter linguas naziunalas e d'augmentar la chapientscha per las autras cuminanzeas linguisticas. La finiziun dal champ ha già lieu ils 9 da zercladur 2023 a Berna.

Barat linguistic e cultural

Martin Candinas, il president dal Cussegl naziunal, ha retschavì las scolaras ed ils scolars en la Chasa federala ed als ha dà in'invista en il manaschi politic da la Svizra plurilingua. Cun chanzuns en las quatter linguas naziunalas han ils uffants laschèa reviver las regurdientschas al champ a Mustér e festivà la finiziun da l'emprim «Barat quadriling». Quel è vegnì organisà da la Lia Rumantscha sin iniziativa da Martin Candinas e cun sustegn da l'agentura naziunala Movetia. I sa tracta d'in concept per il barat linguistic e cultural che includa tut las quatter linguas naziunalas. Il format duai cuntinuar ils proxims onns. (cdm/fmr)